



Synfocity = 1042

mail us at : mzsinfo@gmail.com; mizoramsynod@gmail.com - Phone - 2314648

July 16, 2026

❑ Synod Bookroom Reduction Sale

Synod Bookroom chuan July 13-18, 2026 chhung hian kum danga an lo tih thin angin mipui tam zawkin man tlawm zawka bungrua an lei theih nan Reduction Sale chu Mizoram puma Synod Bookroom Branch hrang hrang bakah Distribution Centre pahni leh Churachanpur-a Tuithaphai Branch Synod Bookroom-ah te neih a ni.

Reduction Sale-ah hian Synod Bookroom-a lehkhahu zawng zawng, Bible, Kristian Hlabu, Communion thil, Kohhran mamawh chi hrang hrang, Stationery Item zawng zawng leh School Naupang mamawhte 5% - 80% discount-in hralh chhuah a ni.

Synod Bookroom Reduction Sale hi a rualin Mizoram pumah July 13, 2026 (Thawhtanni) zing dar 9:30 khan tan a ni. Branch hrang hrangah Branch Committee ruahmannain hawnna hun hman a ni. Bookroom Headquarters Mission Vengah chuan Rev. John Raldosanga, Synod Moderator-in Reduction Sale hi Pathian hnenah hlanin Kohhran mipuite'n tangkai taka an hman theih nan a hawng a, Moderator chuan hun rei tak ata tawh lehkhahu tha tak tak, kan finna ti zualtu tur chhawpchuah thin a ni a. Mi tam takin Synod Bookroom kal tlangin finna an lo neih phah tawh thin. He reduction sale chawlhkar khat kan hman tur hi nasa leh zuala an chhawr tangkai theih nan kohhran mipui te a sawm a ni.

Synod Bookroom Reduction Sale hi mipuiin lehkhahu tha leina hun remchangah hmangin an hlut hle thin a. Sorkar Office leh Kohhran leh Mimal Library neite pawhin a hlawma lehkhahu leina hunah an lo hmang tawh thin a ni.

Tun dinhmuna Synod Bookroom hnuaiah hian Branch 16 leh Distribution Centre 2 a awm mek a ni.

❑ Lay Leaders' Training vawi 239-na

Synod Multipurpose Training Centre (SMTC) buatsaih Lay Leaders' Training vawi 239-na chu July 13-17, 2026 chhung hian neih a ni.

July 13, 2026 (Thawhtanni) zan khan training hawnna inkhawm neih a ni a, he hun hi Rev. H. Lalmuanchhana, Director-in a kaihrui a, inlawmna leh report te ngaihthlak a nih hnua Rev. R. Lalrinsanga, Director, Masihi Sangati-in training hawngin thuchah a sawi a, Rev. R. Lalrinsanga chuan Midangte thlarau lama kaihrui tur chuan keimah pawh zirtirtu dinhmuna ka din a ngai a, midangte Lal Isua hnena hrui thlang turin kan inbuatsaih a ngai a. Lal Isua Krista Khenbeh thu hre lo te hnena hrila a hnena thlarau bo hrui tura a koh chhuah Upa te kan ni a, kan nitin nunah kan nungchang leh kan awm dan kan fimkhur a pawimawh hle a ni, tiin kalkhawmte a fuih a ni.

Tun tum training-ah hian Presbytery 18 - Tuivai, Champhai North, Hmarchhak, Chhimthlang, Aizawl Chhim, Aizawl West I, Aizawl West II, Aizawl East, Tuivawl, Chhimtuipui, Tuirini, Aizawl Chhimthlang, Sakawrhmuithuai, Serlui, Bairabi, Dampa, Chhimtawp leh Zoram pawn atangin Kohhran Upa 51 an tel a ni. Kohhran Upate tana Lay Leaders' Training hi kum 1996 atang khan neih tan a ni a, training-ah hian Kohhran Upate tan Kohhran enkawl dan leh inrelbawlna lam atana pawimawh chi hrang hrang bakah Kohhran thlarau lam nun enkawl dan te zir thin a ni.

Training hi July 17, 2026 (Zirtawpni) zanah kharna inkhawm neih a ni ang a, Rev. Dr. Rosiamliana Tochwang, Executive Secretary i/c SMTC-in training chhuakte hnenah Certificate hlanin thuchah a sawi ang.

Synod Multipurpose Training Centre (SMTC) hi January 12, 1996 khan din a ni a, a tira a hming chu Christian Multipurpose Training Centre tih a ni a, kum 2001 Synod Inkhawmpui chuan Synod Multipurpose Training Centre (SMTC) tiin a thlak leh a ni. SMTC hnuaiah hian training chi hrang hrang (Vocational Training) buatsaih thin a ni baw a, tunah hian trade chi hrang panga - Tailoring (Mipa leh Hmeichhia), Computer, Mobile repairing, Beauty Culture leh Electrical te kalpui mek a ni a, zir chhuak tawh mi 2208 awmin tunah hian zirlai 107 an awm mek a ni.

❑ Finance

July 18-19, 2026 chhung hian N. Hlimen Bialah Finance Campaign nei turin campaigner-te, Upa R. Lalbiakdika, Synod Office, Upa P.C. Vanlalrova leh Upa C. Ramtharngaka te an kal ang.

Contd...

❑ **January - June thla chhunga Mission Field hrang hranga belhtu thar neih dan hetiang hi a ni:**

S.No	Field	Total	S.No	Field	Total
1.	Arunachal & Assam Mission (East)	31	12.	Upper Assam	31
2.	Arunachal & Assam Mission (North)	22	13.	Calcutta	307
3.	Arunachal & Assam Mission (West)	18	14.	Lucknow	3
4.	Assam	19	15.	Nepal	48
5.	Barak Area	51	16.	Odisha	125
6.	Delhi	60	17.	Patna	112
7.	Home Mission North	9	18.	Siliguri	34
8.	Home Mission South	55	19.	Tripura	580
9.	Cachar Tlangram	47	20.	Masihi Sangati	913
10.	Jharkhand	178	21.	Cambodia	3
11.	Karbi Anglong	79		Belh khawm	2725

❑ **Mizoram Christian College (MCC)**

♦ Mizoram University chuan Under Graduate Even Semester Results 2026 a tichhuak a, Mizoram Christian College pawhin Pathian zarah result tha tak an nei. 2nd Semester-ah 80.99%-in an pass a, 4th Semester-ah 86.79% an pass a, 6th Semester-ah 89% an pass a ni. Mizoram Christian College atanga exam hmachhawn zawng zawng hi zirlai 327 an ni a, zirlai 279-in an pass a, pass percentage hi 85.32% a ni.

Final Semester-ah hian Arts-ah 93.44% an pass a, Commerce-ah 81.82% an pass a, Management-ah 76.47% an pass a. Arts bikah hian pass percentage atanga chhutin Mizoram Christian College hi Mizoroma College hrang hrang zingah pahnihna an ni.

Mizoram Christian College hian University Rank Holder (Top 10) mi pali an nei a, chung mite chu:

- (1) Brenda Zorampari Sailo - 2nd Rank, Department of English
- (2) Ruth Lalrohlui - 4th Rank, Department of Commerce
- (3) Zoramsiama - 9th Rank, Department of Public Administration
- (4) Lalhruaitluanga Hnamte - 9th Rank, Department of Sociology

♦ Dr. Hannah Lalhlanpuii, Mizoram Christian College-a Assistant Professor hna thawk mek chuan naupang lehkhahu a ziah 'Songs of Freedom: Postcard from the Lushai Brigade' chu International Board on Books for Young People (IBBY) Honour List-ah thlan a ni.

He list hi khawvel huapa naupang lehkhahu lama chawimawina sang ber pawl a ni a. Kuminah hian ram hrang hrang 59 atangin lehkhahu tha ber ber 191 an thlan chhuah zingah a tel phak a, kum 70 chung vel zet an lo tih tawhah a tam ber tum a ni nghe nghe. He lehkhahuah hian kan pi leh pu, Lushai Brigade-te chanchin a ziah a, khawvelin kan Mizo history ropuite an hriat phah dawn a ni.

August 8, 2026-ah Ottawa, Canada-ah 40th IBBY World Congress pualin Honour List Ceremony neih a ni dawn a, chutah chuan honorary diploma a dawng ang. October 2026-a Frankfurt Book Fair leh April 2027-a Bologna Children's Book Fair-ah te pawh pho chhuah a ni bawh dawn a ni.

❑ **Chorei Bible Thuthlung Thar tlangzarh leh hlan**

July 15, 2026 (Nilaini) khan Manikbond Kohhran Biak Inah Chorei Bible (Thuthlung Thar) tlangzarh a ni. Kum 1925 khan Chorei zingah Tirhkoh tirin rawngbawl tan a ni a, ringtu an lo pung ve zel a, SMB chuan BSI hnenah Chorei tawnga Bible lehlin turin a lo ngen a. BSI lamin bawhzuiin Chorei Bible (Thuthlung Thar) chu peih fel a lo ni ta ni. Rev. C. Zaihnuna, Manikbond Bialtu Pastor-in inkhawm a kaihrui a, Rev. Dr. Along Jamir, Director (Translation) BSI-in a tlangzarh a, Rev. Dr. Rosiamliana Tochwang, Executive Secretary i/c Mission, etc., MPC-in a hlan thung. Rev. Dr. Zhodi Angami, Associate Director, TCS leh Rev. Remlalfaka, Auxilliary Secretary, BSI, Aizawl ten thu an sawi a, Rev. C. Zokunga, Pastor i/c Jugicherra-in malsawmnain a tin a ni. Chorei Bible (NT) hi copy 2,000 chhut a ni a, a chhut man hi Mr. Pearis Arokieraj Angelus, Chennai-in a tum sak a ni.

❑ **Social Front**

July 18-19, 2026 chhung hian Ngopa Kohhranah Zuk leh Hmuam Do beihpui Awareness Campaign nei turin campaigner-te, Upa C. Chawngthantluanga leh Upa Dr. Thanchungnunga te an kal ang.

❑ **MSSU**

July 18, 2026 (Inrinni) hian Armed Veng South Kohhranah Sunday School Zirtirtu training neihpui turin trainer-te, Upa K. Vanlalnghaka, Upa Zohmangaih leh Upa Lalbiakliana te an kal ang.

❑ **Presbyterian English School (PES)**

July 10, 2026 (Zirtawpni) zing dar 4:00 vel khan Sailulak Presbyterian English School-ah kangmei chhuakin Class-VIII room chu a kang chhe vek a, Class- V room erawh chu a chanve vel a kang hman tihin an thelh mit hman a, heng room pahnih chhunga Blackboard te, thutthleng leh dawhkan te a kang chhe deuh vek a ni. PES Building kangah hian Rs. 2,00,000/- man hu vel a kangral niin an sawi. Kangmei hi School corridor-a mi tu tih hriat loh ten mei an chhem atanga chhuak niin an ring.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawl na pek a ni.

S.No	Khua/Veng	Pek chhan	Chhungkaw zat	Pek zat
1.	Phullen	Damlo	11	₹ 1,10,000/-
2.	Melriat	Harsatna tawk	5	₹ 50,000/-
3.	Thanglailung	Damlo	4	₹ 40,000/-
1.	Kawrtethawveng	Damlo	2	₹ 20,000/-
2.	Bungtlang Bazar Venghlun	Damlo	1	₹ 10,000/-
3.	Tuipuibari Venghlui	Damlo	1	₹ 10,000/-
4.	Sialhawk	Damlo	1	₹ 10,000/-
5.	Tualcheng	Damlo	1	₹ 10,000/-
6.	Vairengte	Damlo	1	₹ 10,000/-
7.	Zote	Damlo	1	₹ 10,000/-
8.	Tuikual South	Damlo	1	₹ 10,000/-
9.	Chawngtlai	Damlo	1	₹ 10,000/-
10.	Zuangtui Vengthar	Damlo	1	₹ 10,000/-
			Belh khawm	₹ 3,10,000/-

❑ **Hruaina Eng TV Programme**

16.7.2026 (Ningani)	08:30 pm : Thupui zir bing
17.7.2026 (Zirtawpni)	05:00 pm : Kristian Naupang Pual
18.7.2026 (Inrinini)	05:30 pm : Puitling Sunday School Zirlai
19.7.2026 (Pathianni)	07:00 am : Sermon - Upa Sapvela, Vaphai
21.7.2026 (Thawhlehi)	06:00 pm : Nilai zan thupui
	08:30 pm : Kohhran Chanchin - Ramthar North Kohhran

❑ **FM Zoawi - Aizawl & Lunglei : Hruaina Eng Radio Programme**

July 17, 2026 (Zirtawpni) @ 7:30 p.m. :

Solo	: Melody Zothansangi - Hlimna Thuruk
Zaipawl	: Dawrpui Vengthar Bial Zaipawl - Lalpa Nghak Rawh
Thusawi	: Rev. Lalramnghaka - Rinna Fiahna
Solo	: H. Lalhruaitluangi - Ka engkima ka engkim
Lengkhawm zai	: Durtlang Leitan Kohhran KHB- 431

❑ **Moderator leh Executive Secretary-te Programme :**

Rev. John Raldosanga, Moderator Programme:

July 19, 2026	Khawzawl Venglai Bial
July 24, 2026	Social Front Executive Committee

Rev. Dr. V.L. Luaia Hranleh, Senior Executive Secretary Programme:

July 17-19, 2026	Champhai Bethel - Bial Programme (Retreat leh Seminar)
July 21, 2026	Recruitment Rules Enthatu Committee
July 24-27, 2026	Khawbung Bial leh Farkawn

Rev. Dr. K. Lallawmzuala, Executive Secretary Programme:

July 16, 2026	Finance Managing Committee
July 17-19, 2026	FG&CC Programme - Serchhip (Seminar leh Campaign)
July 21-22, 2026	Bookroom Programme - Champhai
July 24, 2026	Social Front Executive Committee

Rev. Dr. Rosiamliana Tochwawng, Executive Secretary Programme:

July 17, 2026	SMTC Programme
July 18, 2026	Vaivakawn Bial Worship Seminar
July 19, 2026	Melriat Kohhran
July 20, 2026	Monitoring Committee
July 22, 2026	Synfo Committee
July 24-26, 2026	Synod Prison Ministry Programme - Saitual

July 23, 2026-a Synod Officers' Meeting (OM)-ah Moderator leh Executive Secretary-te an ðhu ang.

RAWNGBAWL HNA RUAK DIL THEIH

A hnuiaia tarlan rawngbawl hna hrang hrangte hi Mizoram Presbyterian Kohhran hnuiaiah a ruak a. Mizoram Presbyterian Kohhran mi, rawngbawl tura Pathian kohna hria, kum 18-35 inkar, ni 30.7.2026 (Ningani) a kum 35 la pumhlum lo, zuk leh hmuam leh ruih theih thila fihlim tan dil theih a ni. Dilna Form hi Synod Service Board Office, Aizawl leh Synod Office, Lunglei atangin lak theih a ni ang a; Synod Service Board Office, Aizawl-ah theh luh tur a ni. Dilna form man Rs. 20/- a ni a, dilna form-ah hriat tur pawimawh tarlan a ni.

I. SYNOD HOSPITAL, DURTLANG-A THAWK TUR

- Hna hming : Medical Record Technician (Contract), Post - 1
Thiamna : Graduate with diploma/degree in Medical Record Technology from recognised institution
Hlawh : Synod hnuiaia Medical Record Technician contract hlawh
- Hna hming : Pharmacist (Contract), Post - 1
Thiamna : D.Pharm/B.Pharm. from any recognised University
Hlawh : Synod hnuiaia Pharmacist (contract) te hlawh

II. AIZAWL THEOLOGICAL COLLEGE-A THAWK TUR

- Hna hming : Asst. Librarian (Contract), Post - 1
Thiamna : Theological Graduate with additional degree in Library Science (Lib. Sc.) from any recognised University with working knowledge of computer
Hlawh : Synod hnuiaia Asst. Librarian contract hlawh

III. MIZORAM CHRISTIAN COLLEGE-A THAWK TUR

- Hna hming : 1) Asst. Professor (Mizo) (Contract), Post - 2
2) Asst. Professor (Commerce) (Contract), Post - 1
3) Asst. Professor (Pol. Science) (Contract), Post - 1
Thiamna : UGC Norms 2018-in a sawi anga thiamna neite tan
Hlawh : Synod hnuiaia MCC Asst. Professor (contract) hlawh

Dilna form hi ni 24. 6. 2026 (Nilaini) atangin lak theih a ni ang.

Dilna hi ni 23. 7. 2026 (Ningani) dar 2:00 p.m. thlang theh luh theih a ni ang a, hemi ni-ah hian written test thei turte hming list tarlan a ni ang.

No. I & II tana written test neih hun - Ni 24.7.2026 (Zirtawpni) Dar 11:00 a.m.

Written Test neihna hmun tur chu J.M. Lloyd Hall, Synod Office Top Floor a ni ang.

Interview hun - Ni 30.7.2026 (Ningani) Dar 10:30 a.m,

Sd/-

(Rev. Dr. V.L. Luaia Hranleh)

Secretary

Synod Service Board